

ماتموتيش الحلم في عينيه

ماتموتيش الحلم في عينيه
سبيلي شوية ضي
يحيوا الأمل فيا
وماتفقلش الباب ياأعز ماليا
فاكره بساط حلمنا
ووردة الأفراح
والدم اللي في نبضنا
بيحكي ليالي ملاح
طب ليه بيضيع منا
والحلم فجأة راح
نسيتي ليه حبنا
من عشقي مايرتاح
مكتوب نعيش فرحنا

بوجع وفراق وجراح
فاكرا ليالي زمان
ياغربه يابعيده
بريشة الفنان
رسمك حياه سعيده
امتي ترجع إنسان
بدنيا حلوه جديده
وواربي ياعمري الباب
من غيرك حياتي صعيبه